

## AI SENIÈURES DE CHÈSC MOND

### A RONNIE

Sëura ti nazion  
i satelic lujënc  
de raies dla mort  
Tl sot di ozeans  
ti bastimënc schendui  
aspieta l sëni

ntan che tu semiëies  
danter la chëutres  
tla Cësa Blanca

de avisé l destin  
dl mond.

Roland Verra  
(ladin de Gherdëina)

## A MICHAÏL

Seniëur dla cuecena muredes  
y dla dlaceda tundres  
dlà dal orizont  
dl Uriënt  
tu sés  
che l tēmp ie curt  
y l viac ie lonch  
dla jënt  
sun chësta tiëra  
che sofla y sua  
sota la rodes  
de ti ciars de fiër

ch'la pésc che tu perdiches  
sibe te ti cuer...

Roland Verra

## A RUHOLLAH

Sun l destei dl Tigris  
ulache i gran uciei  
tl paluch se cherdova

danter la vintlanes  
ulache i rëiesc  
de Niniveh y Assur  
la stëila de Astaroth priòva

ti sfranta armeda  
de mutons mazéi  
tl tuesse, tl paltan,  
tl vënt brujà  
dla nuet...

Roland Verra

## A MUAMMAR

I verzons de Tripolis  
ie na tacia vërda  
tl stuep di deserc  
y la ciafites  
sveia adaut  
tla ròes dl Ahaggar

Sota ti tèt de peza  
tu pënse, Muammar,  
y bredles ti tumei  
y l cuer dur  
d'Allah.

Roland Verra

A AUGUSTO P.

Zità de sanch y umbria  
de San Iàcun  
o mort doi ièdesc cruva  
sun l'ëur dl Mer dl Sud

la cëses zitra y scota  
sota i stivei nfrei  
de ti pastrëc nsangunà

Y ti revëuc stemiëusc  
l urdl tribl  
di adanei...

Roland Verra

## A KAROL

La eles dla tupes  
tl ciel de Roma,  
l sofl dl Spirt  
che vèrt  
nosta anes sdlunedes  
sun i mosaics  
de ti antich palaz

La blancia eles  
di angiuli dl Bernini  
y de ti Jumbo  
tl ciel dla zità  
de Idie.

Roland Verra